

四庫全書

集部

欽定四庫全書

集部

皇甫少玄外集卷五

詳校官監察御史_臣曹坦

中書_臣劉源溥覆勘

總校官進士_臣楊懋珩

校對官學正_臣陳木

謄錄監生_臣馮觀潮

龍章爰以夏六月十有六日懸霄幕於山椒布天聲
於玄館揚葭啓道徐鑾警節景雲時覆炎暉稍清傾
塵萃觀羣位肅伏公撫躬雄厲寵悼交加重林以之
動色山靈宛其在辟誦言於行在有懷於明發者靡
不仰崇徽而歎息奮薄已而衡困忠孝之謨斯亦垂
惠於邦人矣既而昊天慰其毫毛濟川思其舟楫三
台齊色繫公是賴雲旌已戢火旻言別夫盛矣休哉
皇天大庇哲人邁相我國家億萬斯年無疆之休乃

欽定四庫全書

皇甫少玄外集卷一

明 皇甫孝 撰

四言古詩

贈白樓吳公還朝詩一首 并序

太宗伯知制誥白樓吳公以嘉靖丙戌之春表闕額
衷南驅展墓日月之光中普霜露之寒下濡楸櫟鬱
目綸綍介心公前蒞太常渥承睿典乃祖乃父並錫

繼挺於吾蘇也人文茂猷降嶽匪誕文定吳公振遐
軌於前文恪王公持典刑於後逮我公紹隆緒於今
矧龍飛耀德海宇重熙鴻舉六翩辰附長天不足擬
議我聖君賢相志同咸有之萬一也末學小子遊公
之門廼載世焉仰斯宏美在茲彌慶公岐嶷天成殆
庶亮拔率物冲襟古稱上德九師該綜一夔惇秩文
星遐賁明不遺乎兩京化雨傾流仁自揚於六館振
鐸而中天懸日操翰而萬牒如泉望履綦者識體安

之爲深抱鉛槧者知意達之可貴帝厚具祉琳琅在
膝才冠一時名高江左神畿委辦乃斗筭乎洛少古
丈腹笥亦珠鵠於岐公於孝分則交遊義均師範益
諒慶流之遠末睇淮水之占矣公恒執謙退皇上篤
眷有隆俯慰孝思虛位以待嗟乎山甫切永懷之心
召公裕明農之願在是行也小子孝儀刑日遠提携
孰從辱公國士之遇期以青雲之器蹇踣如斯是用
疚懷增汗負公如何賦詩一章以贈公行亦有感激

之辭焉詩曰

於惟敬皇實徽文教惟天保定登猷朗照乃崇乃東並
甄玄冒金相玉質帝賚惟肖奕奕吳公爰以時升鸞翔
翰苑華馥天庭經之緯之贊我熙明道爲皇範言垂世
經鼎號羣瘁凶墻邁禍靡揚不伏靡隆不墮爰戢於署
玄闡無可司成奉常禮文載荷重光乃宣乾纂穆容六
幽咸被三謨是踵濬哲惟文承休端拱昇厥典刑曷顧
曷恐公德之鐸式眷純錫綵綸是承密勿是職敷言煥

爛裁訓淵默凝精駐翰昌爲稷益物變易感性美惟滋
希我皇鑒貸我幽思帝曰福汝臣浴宸慈發春指旆文
陞登辭載思載逝風舉雲征萃鑣響像鳳吹晨鳴重章
雙映輝爾幽局有巖斯媚有潁斯榮山甫永懷召裕其
猷乃雍時曠曾胡少留七月初吉鷁首湍浮貞儀允則
去我孰由曰余寡劣芳塵每挹譬井之渫惟公之汲稱
之千里躋文踐亦鹽車長仰是負是忒負忒在斯人倫
實難衡揣非疵靜言永歎賡歌翕烈主聖臣賢猗歟咸

有慰爾幽蘭

送子春知泰安一首

并序

僕聞之恒檢毀心於洵違通方樂施於孔艱豈惟斯
今抑往代之同轍也越彥世珍時惟許子廼漸熙朝
廼颺帝休柔嘉克植靡鑠靡喪識足以襄乎弘典文
足以羽乎盛世爰蒞東土多士顧之則曰一命而守
士之寵也惠心有邦政之碩也履艱弗違義之揭也
悠然以思衍然以趨斯其弭出入之願即瑕疵之理

安孔艱之遇闡通方之量者矣今大君乾作明徵有
虞本治黔黎流哲幽遐而復權衡心膺品材咸邁蓋
非位之患惟弗果於樂施之患也予俟之矣然俟之
者人安之者己已弗人汙人弗己隆君子之所獨慎
也窮律首途雲雪淒其僕忝同升之末感索居之悲
慕贈處之義賦詩一篇以贈之何以處我夫豈懷愧
於下節而相望於大音也

顯討皇哲楨猷惟彥孔紹孔晰馮翼彌眷文思我后漑

沃以衍惟和五命於王一變允彥伊許翮其來儀揚業
實隆有服載輝伊許孔淑心乎德施望之不替從之不
疑灼灼英賢逸軌既超前營後牖汜晦而昭彼美許君
載翔載翺舞諧舜庭爾其爲韶孰匪帝臣子命在東社
稷是司身遐職崇子弗人圖人胡子恫不卑曰聖疇克
自衷秉禮惟恒撫民惟亮於方美順於操惡上式徂海
邦魯道有蕩巖巖匪岱子將安仰惟梁有鵜惟隰有荷
爾車遂征我獨歎離何以慰思慰之矢歌匪歌有餘我

心蓋多

五言古詩

遊山三首

倦歸已改歲，緬多邱壑情。
開帆悅修景，慰志及山行。
春煙亂繁壤，麗日流飛甍。
縈原散朝綠，迴渚延夕清。
羣峯每相慙，窈窕仍將迎。
念對同懷子，相彼林端鶯。
忘形得妙境，顧已愧浮名。
嘉招非吾事，谷口暫躬耕。

其二

遠林鬱阡眠修吟亂迴復餘杭多佳勝雲泉更幽獨再
遊及茲年五載隔陵麓春歸榮條敷露泣曉華馥臺徑
乍彷彿靈竒故潛伏懸磴共捫蘿翠微屢穿竹遐念思
滅跡虛懷耻干祿差池歷九秋今期返空谷

其三

雲泉邈岑崑側徑肩輿遲春叢塞前街目眩孤亭危徘徊
矚丹壑積石轉多竒遊觀始近代疏峯幾何時巖扉
高下藏冥探不知疲烟霞迴陵嶠風雲暗湖陂迹往心

已得機息道自隨古來達生者斯理誰共知

結廬二首

湖山有深眷逍遙暮江曲江流入遠山結廬此幽獨依
方薄霄漢冉冉向林谷東風拂襟袖沿迴野中綠白雲
荷鋤歸田疇以自足

其二

散髮謝當世結廬五湖濱兀然蓬筍下聊用全吾真明
明耿介懷道遠無緇磷且復飽鷄黍高卧前山春飄搖

孤雲起鷗鳥相與馴終期返空谷庶足稱逸民

泉上

我愛名山勝名泉山底清悠悠坐盤石古碧照心明客
有携琴至應多流水情春鍾下樓閣遙見白雲生

雨中同子浚家兄觀陸羽泉亭作

山房罷僧飯過午聞春鍾徑苔久沾濕深登孤興濃緬
懷竟陵子臨流散情悰亭高眺烟雨萬樹何丰茸蒼茫
遠樓臺春色連諸峯闌干倚揭嶸玉竇莓苔封千秋檻

金定四庫全書
卷一
泉碧何處潛虬龍流膏足揮弄清泠豁心胸行堪入顧
渚結廬繼幽蹤回首泓上月坐失山門松孤琴下巖壑
杳靄白雲重

贈僧智宜

名山面滄海秀色雄吳東當時萬里揖來往迷煙空營
蒐阻勝絕雲石懷幽蹤桃源我歸臥幾見桃花紅時臨
虎邱月爲憶龍游宮綠蘿謝當世清風揖宜公春雲下
錫杖孤鶴遙相從中泠洗心處大覺超玄宗身將綵霞

淨心與靈泉通來投浮玉志披開開情悰青天振雄筆
隨意歌巖叢嗟哉惠休輩久矣沉蒿蓬今古此相接清
興那能窮離津柳花暮京峴乘歸風江山悵當別落日
牽予中何年試攜手一上妙高峯

送吳生

吳生跨孤鞍告我將遠遊懷恨適杞國別鄉當杪秋携
手欲哽咽念子意綢繆壯夫未特達空歎日月流何不
恥北敵負戈向邊州數奇苟不遇相與歸故邱夜深話

金史四庫全書
卷一
國步戚戚多隱憂長望雲沙昏黃河去悠悠馬嘶僕夫
瘁霜雪盈道周大梁非吾土歲暮難久留功名自有期
腸斷畏阻脩

雜感四首

驅車適京闕矯首望鍾山長林蔽白日雲螭時往還回
顧大江流感慨靡所宣九衢揚塵起飛蓋相追攀鳥雀
縱橫翔孤鴻摩蒼天徘徊不得進怳恨久不安中夜觀
河漢清光照八埏

其二

昔子勵志日有弟同明誓騏驎服鹽車伯樂今已逝參
差互繇攣揚眉謝文藝寤寐攀羣龍彌高非所惴疊疊
流光改迷錯徒相棄舟流不知屆思之令心悸中夜悲
風來何以寧吾歲

其三

端坐懷玄始物化令心悲寒蟬寂無音蟋蟀吟牀幃白
露申嚴霜二氣相推移柔顏異往歲壯志昧所期素意

何由逞兀兀當誰歸寒陰被勞榮展轉獨煩萎

其四

矯羽出浮雲仰觀哀鴈翔皎皎歎長勤抑志自多傷光
華田中卉微命委朝霜撫景亦何思思心重徬徨城郭
不可居焉能戀華堂平時慕英藺慷慨提干將志意俯
曾雲清風被八荒擗刃酬東瑟回車抗咸陽觀言思今
古變化詎有方達人建大節蠖屈乃龍驤無我終多立
常爲百代光

雨涼諸兄弟同坐

微雨過前除喬柯散廣陰亭沼生秋色芳襟曠蕭森仰
睇衆鳥歸俯聆孤蛩吟茲樂誰與共密親意所欽藜羹
不足厭各懋追華簪眇眇增多念宴守北山岑

留殷憲使酌二首

我罷金陵棹北山歌採薇梅影照芳樽枝頭春欲歸急
雪洒虛牖園色淨雲輝酒闌爲別處悵望暮禽飛

其二

金史四庫全書 卷一
深源千載後江左冠風流相逢秀水道解劍醉壚頭不
起白雲臥豈顧蒼生憂惜別垂楊發春風吹御溝

山南葉公按吳歲滿還朝奉送二首

丹鳳振雲表翹首歸峴峩依依南山竹牽此孤生根燕
婉青琅玕萬里懷舊恩揚帆軫遐念臨江意彌敦清霜
盈衢路杳靄黃河昏車馬喧空城秋日照金門激烈展
長望耿耿飛離魂

其二

天馬本龍種哀鳴結長思
駉躍當冀北自可窮瑤池
黃金買奇骨我獨傷棄遺
秋風白日厲慘澹凋華姿
幸蒙伯樂顧剪拂生光輝
感此懷遠別恨恨中心悲
懸旌漾空江千里煙樹微
傾葵報明主慷慨雲中歸
誰憐抱照華泣下沾裳衣

近茅山漸高

杳靄登春山蹉跎入雲嶺
微奇不覺遠發興日初永
石叢孤亭秀花覆仙壇靜
鐘聲天際深羅衣澗濱冷
長揖

金定四庫全書
卷一
山阿人坐使塵慮屏

登大峰觀上宮樓臺

石道轉岩口樓臺攢紫雲訪靈多問訊作禮時殷勤萬
山霞氣伏三峯林勢分靜言幽谷響濯足流泉聞絕粒
歲云暮不知人外羣

下峯觀喜客泉

澗唇斂黛色峰首浮春陰泉留慕往代客至清煩襟寂
寂桃花晚靄靄武陵深龍潭澤地肺霞綺揚人心即此

羨投跡願言隆所欽

三峯望玉晨觀

和煦照天路詰曲開巖扉
我來三峰下迴策當餘暉
汲泉慰飢渴轉石逢芳菲
松風阻良覲况復遊人稀
不覺碧山暝煙光浮翠微

句容道中六首

明鐙理行裝遠客凌曉發
雖多故鄉念復覺戀帝闕
山風吹征驂孤月向空沒
我來仲春時荏苒衆芳歇
不如

早旋歸歲月坐超忽

其二

改服辭主人靡靡即歸路雲岡多詰曲郊原莽迴互出門還無期青春值頽暮馬首不辨人空林但煙霧征衣暗沾濕侵星苦馳驚遲遲日光出蒼蒼衆山露含情忽以暢登歷愧能賦

其三

聯鑣出城闌誓當與君離回回我心亂眇眇車行遲孰

手訴中懷茫茫將何之
百里塵沙昏對此酒盈卮
哽咽不能飲徘徊長路歧
驚風飄浮雲惻愴令人悲

其四

隣鷄正歷亂倉皇客中食
星月浮空山朗朗照行色
青春有時歸征途去無極
白雲東南流迢遞隱鄉國
憑車淚潺湲安能生羽翼

其五

崎嶇慕疇昔十載歷四方
遊燕更適越鳥道于雲長
父

母在我前弟妹居我傍風波不足畏豈念懷故鄉今來
百里外抱影登高岡青春動成逝思之淚浪浪

其六

驅車出城西時望長河東孤烟散林景晴日開巖谷南
郊氣候改薄熱勞我躬飲馬蒼溪濱坐憇倚茂松征途
暫逍遙開襟納清風鳥鳴深樹巔雉空山中馳驅雖
云苦此意安能同

送陳太僕賜告歸省

仲弓三山鳳一世推英賢毛羽照雲日長鳴北極前匡
時抱雄畧鬱鬱隨風烟浮沉昧高調寡和誰當宣南遷
且金紫日就虛窻眠朗然天門開目擊羲皇先鍾釜忽
盈歎螺江歸興懸榴花復幾度草奏乘茲年烏啼棄薪
道鵲舉米蘭天伏枕顙閭闔翻爲人主憐青山藥苗長
試汲金鷄泉雲飛近親舍臘盡停吳川緬邈此相語高
風難並傳早梅動春色異域逢離筵聊紆魏闕念喜溢
萊衣翩見君明發意感激爲茫然

金史四庫全書
卷一
曉發

鳴榔發長沙風波歎飄轉及茲愛雲湖不復思茂苑放
歌瀟湘春高興乘荆峴初日檣烏飛身隨鷓鴣遠

夷陵

明發下南津復睹雲沙永舟輕澄江霽帆遠春霞影悠
然展遐眺快意煩慮屏草花湛芳洲亂石汎清迥江介
日欲冥風波逗黃嶺

巫山

弱鷁凌翻羽林日麗施翼清晨過巫山冉冉趣非一諸
峯疊竒翠嵐下朝雲出巖空陰風長峽古石苔密春花
秀靈宇玉澗遙遐術江飄鸞珮聲霞媚衣裳色客魂驚
猿狖王夢久蕭瑟尋仙畫圖上聚鶴養芝朮

兵書峽

孤征出瞿唐撫迹多懷舊峽花汎淒響霜壁蒸靈秀風
雲翳江沙管樂沉崖竇春山仰臥龍月林鳴哀狖

仙鶴樓

樓空明月在爐變石臺閒謝女謁王母白雲留青山余

來楊柳時不見桃花顏千載遠東鶴孤飛更不還

以上五詩

公方侍順慶公入蜀年甚少所作甚富集不盡載云

至樂樓詩贈費少傅

白日垂滄江龍臥有時躍至人結飛楹高情振寥廓龍
溪更河流珠峯定天作洪濤浮碧虛遙出御書閣一爲
東山翁玉錦映玄鶴解頤諷寶篇古有至哉樂公樂不
在茲昔賢久冥冥飄雲拂穹岫出處信可託緝熙懋王

德姬公宛如昨
絲綸耀千齡
未遑紫芝諾
生逢堯舜君
安得戀巖壑

皇甫少玄外集卷一

欽定四庫全書

皇甫少玄外集卷二

明 皇甫孝 撰

五言古詩

雜詩十二首

日暮獨愁思
蘭房無形跡
秋風江上至
感物多所戚
熠燿寒無光
蜻蛚吟虛壁
美人天南端
懽暢念良覲
悠悠竟何成
長歎終永夕

其二

夜中不能寐，獨坐憂思深。
明月起河漢，迴風吹北林。
所思天末，仰瞻銀漢，沉恨無凌霄翼。
恨恨阻，形音志士多淹留。
佳期難重尋，踟躕撫余佩。
歲暮懷苦心。

其三

灼灼芙蓉花，垂影向蘭澤。
百草悴嚴霜，青陽逝安適。
時俗重春華，采采鑒明德。
孤芳良足稱，時哉不可及。

其四

驅車散沉思西望層城阿江流去不息高山鬱嵒峩荆
棘生宮殿麋鹿相經過維彼雍門言惻惻感人多

其五

朝日出行樂去彼城西陰西城多繁華俛仰懷古今綺
縞被長衢笙歌溢江潯飛鷁浮清川結駟赤駸駸吐彼
豪游子疊疊超荒淫偃息於陵下營道我所欽

其六

悲哉游宦子攀龍入長安幸蒙君王顧托身青雲端芳

名垂竹帛營耀兩相完
戕戕啓甲第粲粲列綺紈
英風前後至飛旆擁雕鞍
曲房動高燕一食十萬餐
京洛奏奇舞燕趙出名彈
八方溢珍玩千秋良不難
諒無桑梓念淒淒東逝瀾
白露零野草獨非彼所觀
一爲東門傷今古共長歎

其七

落落澗底松女蘿亦相因
同生復同死交結同一身
譬彼雙鴛鴦雙飛飛河水
津河流有時逝白石何粼粼
同心

諒天道婉孌平生親牽牛非服箱邈若越與秦如臯亦
何益恩愛等埃塵嗟哉後車子淚下空盈巾

其八

芳蘭馥朝露淒淒茂幽谷貞心持自比采之欲盈掬嗟
我懷所思道遠去日速會面不可期沉憂終自蓄

其九

懸壁出荆山光耀絕四海連城竟不售匣塵蔽文彩良
馬思伯樂榮辱一朝改幽荒賤章甫兀兀欲誰待

其十

夜良啓燕會置酒臨華閣秉燭懷古人攜手共行樂吳
姝美顏色當窻何綽約艷歌青樓上行酒姿謹譔西北
浮雲馳宮殿多寂寞陽升燭四隅安事光微矚諒無長
年術役役何所索

其十一

赤松振遐軌黃犬發哀音嗟彼曠士懷明哲固所任西
山有靈鳥南浦有潛鱗風波一長逝緬邈遂飛沉大儀

運元化時節各相尋稅駕苦不早惻惻傷人心

其十二

奇樹生庭側朝日照芳菲敷陰周曲欄藹藹多春輝
奄忽秋節至鴻鴈東南飛曾枝冒霜雪芳意何當歸
寒暑各有宜開謝各有期惻惻高臺傾昔是今已非

從軍行

辭家遠行役駕言徂海湄悠悠涉洪流戚戚多傷悲
王事懷靡及四牡常相依父母且不顧安得念所私
昔往

金史卷之八十二
卷二
茂春華今來鴻鴈飛
孟冬嚴霜降長冰橫
郊岐征夫不遑食
靡靡寒風吹大江
日夜流一往何時歸
迴身入行營
淚下不可揮
思彼陶唐化九有歌垂衣

苦寒行

朔風厲玄象
遐征適窮邊
馬寒旌竿折
白日匿空山
岷冰積長坂
我馬不得前
凜凜陰雲興
飛雪蔽遙天
側身望川梁
欲歸道漫漫
飢腸一慘裂
況乃荷戈患
采薪食野雀
一食再三歎
營菟憑鞍棲
歸菟阻重關
常恐死沙

漢安念凱歌旋國殤不足惜野復良獨難

長安有狹邪行

長安九衢道伐鼓啓晨關飛塵蔽雙闕藻景躍華軒冶
游乘風至驄馬黃金鞍鈎輦貫瓊佩被服一何鮮王侯
贊鴻化側足獨闕觀興衰意所屬高下不時遷長楸罷
校獵置酒秦淮川佳人恭懿命粲粲理雲鬟琅玕飄蕙
帶明月珥雙瑱和柔絃歌聲鸞鳳繞長筵屣躡應清響
巧笑各成妍粧臺掛繁弱緹幕卸龍淵炮牛觴九醞取

樂衆情宣矯矯葵藿士臨冠不能彈嗟哉鳴玉徒慷慨
寄君言

五湖子曉行

江途倦水涉偃仰屢徂遷素衣濯餘緇極目指西山寒
旭臨流發空闌浮荒烟仰聆飛鴈鳴展轉離懷牽携手
緬同好傾觴與共言汎覽梁鴻頌徒嗟范蠡船汨沒塵
網中弱植誰當憐貧思鮑叔賈飢從漂母餐撫憂惡應
接懷古慕周旋號風襲晨漲千里增波瀾明發贊高調

期子青雲端

餞子循

獻策登皇邑荏苒旋舊廬長宵逝無停及子懽愛俱我
竄庶足招偃息聊寧軀日夕曬曾雲曠哉歸思舒興言
自慨慷高視俯八區連枝抱中懷顧戀同衾裾其衾裾
志填盈怨彼冬夜長我生復何爲蹢躅何所將菽水稱
親壽晨起各徬徨珍庖詎不美惻愴回剛腸四序互相
侵木葉日以黃子其亮貞則崇德永相望其相望何所

期我心胡忉忉驥足出其羣不憚千里遙譬彼春膏降
原壤敷良苗咄嗟榮名間德音誰能昭念當與子別使
我成憂勞三其憂勞不可慰零淚紆離情汝室阻川流揚
帆告徂征寒飈吹巨野落日慘不明孤鴻薄天飛翹首
悲還鳴所別良不遐愁思胡爲嬰親愛有至性況乃志
意并志意誰其喻離恨坐相仍東溟浩臨江我昔雄哉
行懷舊傷年邁長歌爲吞聲其四

子循歸贈

寒迫傷別長病積惡悲牽傷惡易爲感分手非昔年朝
光理中擲僕悴顛余前舒顏拂行塵我弟滄溟還解裝
發香醞迅日遽宵餐海鱸郁華鏜擁劍裁雕盤澶沽柔
波淨和霞爛層巔皎皎沙際月渺渺村中烟蕩哉衝颺
發思欲凌三山控引自今古揚帆欽所觀歸懷惻季鷹
高蹈仰魯連誼薄連璽珍跡往空名傳濡毫放志意拭
目覩新篇芳蘭馨幽谷芙蓉秀晴川懷勗始平地憫已
忤先鞭回思振藻日奔運屢徂遷何子亦卑齡李侯固

金定四庫全書
卷二
英賢晤言苦心人玄理資忘筌

迎兒外家

貞則我所懷懷遠志彌悲恨積謝二紀蕭蕭白日移杖
劍別嚴親寄食痛飢兒鳴哺有勞愛安用人生爲豈伊
陽元志文葆慮無知頽白聆自昔默愴涕交頤淮陰怒
蓐食報金良可規和氏乃不作昭華泣東歸道消譴斯
集業零風愈頽懷惡迎兒至然燭欣前持恒性亮非假
笑戀索提携猿腸易辛苦懽娛聊逮茲天運委可悅含

飴復慰思遠哉涇陽冑岷嶴瞻靈臺徵書譽若耀封侯
志已灰錯迂風塵際骨肉臨當乖婚嫁詎易畢五岳思
徘徊操舟洛水引行障蘇門開華芝倘可食逝水去無
回踟躕簷光曙慷慨敷此辭

純叔詩嘲食芹奉和自解

和柔春風發良夜留歡娛開襟對濁醪聊與吾親俱月
色起前楹長歌一踟躕楚葵非惡食庶足寧吾軀采采
檻泉側蕭蕭愧珍厨公子富文雅飄搖抱明珠詩來誚

苦節捧覽增長吁孰知五馬貴未足充膏腴嗟哉被褐
士藜藿固所須在泮有深眷戰勝良不癯竊飲酒訓
四方尚多虞紛華飽肉食赤子何時蘇宣聖苟不作疏
水誠爲愚

芙蓉峰詩

茅山之上有峰焉突出而奇石田沈子嘗以
芙蓉呼之後此山屬於周子峯之側即其親
葬處也周子將赴安陸有松楸之念予爲題

此詩以送之聊可托慰於是云耳

茅山一峯秀突出青天中山人昔覽眺號爾金芙蓉芳
名遂不改蕪沒林泉蹤周子買山隱思親雲萬重征騷
繫津柳回首渺烟松茲峯若在眼揮涕沅湘東

民則宴來鳳亭分韻各賦五首

含情淹臥壑綠志羨脩家紅亭構未敞綠沼趣彌加暇
日遊同好言笑閱芳華歎賞心偏契棲息道難誇恥逐
金門客虛翫上林花

其二

陶徑山常見董園帷倦下簷景落疎桐秋風生近野嬾
婉同懷子招邀夙心寫舍照思遐托冥遊非外假日暮
彌興念留君醉餘竿

其三

美淑諧玄賞徘徊恍幽覲天容正原潔孤枝亦瀾秀陽
烏駐西足翩鴈初南首感物陶芳樽興言獨懷舊側想
金陵月含怨春花茂

其四

列竹豈丹穴琅玕穢塵土予匪鳴笙客文輝焉所覩延
佇眺紫氛歌聲夕空吐染翰待華星微霞映庭戶煙霏
惠莊辯寂寞傷今古

其五

塵榻還勞下芳樽幸不空齟齬追夙好忻念故山同林
亭聊可托攜手緬清風石牀馴鶴舞綰帙隱花叢華星
動城館迢遞看歸鴻

皇甫少玄外集卷二

欽定四庫全書

皇甫少玄外集卷三

明 皇甫湜 撰

五言古詩

新正三日有述

華春翳窮陰雨雪淹晨暮江墟寒威重長天晦雲樹清
瀾乍有餘陽翹未全露空齋起何遲薄吟示幽素浮生
昧所期三十忽虛度稽古但服膺寒鈍無偉步尤嗟腐

鼠嚇竊恐驪龍寤勃也亦奇邁強仕獨申慕時命詎偶
然操持在貞固欲希渭濱叟恥學長沙傅餐霞契終寡
采榮志已諭委心甘幽寂撫已盡乖忤翩翩歸鴻翼喜
與天風遇浩蕩五湖濶明發扁舟具

不晤以言載惟寒暑晚齋忽對握手如夢喜而
賦詩且申秋泛之期忍有負耶

念離歲方積盈恨撫霞峯何意綵雲落詎非緌鶴逢草
苔歷亂處園槿爛芳容暝色鳥還入巖壑杳以重涼颼

罕新響幽隅止故蹤比君陽渚鴈秋月期相從

送子循弟試禮部

言別經長夜歎曲憂念攢攬衣眺晨霜烈風增苦寒揚
帆爲我留浮杯寧久懽周雲蔽四野海色迷吳天流澌
衝舟楫雜霰下長川迅日忽西墜肅肅歸飛翰遊子樂
未央衆賓慄不喧古人獲我心執手意重宣賢者觀厥
成志士慎其端時來不立節時往豈復還美成勿卑久
策勲非狗妍子其高爾聽夙夜在勉旃

王義士詩

義士事余兄傳之悉矣余復嘉之而爲之詩
綠林昔振蕩河岱妖氛結虎旅窮塞垣牙璋自天闕鯨
吞指洛陽豕突踰聊攝王生一何壯揮金萬夫悅三軍
屬先鳴七萃觀竒捷魚麗畫若空鼙鼓夜不發草芳湘
集雲旗偃碣山月破敵陋韜鈴忠信代連鉞長揖轅門
外通侯豈吾節旋爲擊壤民荷鉅耦沮桀恥學蹈海翁
昂藏事高潔

感興二首

迢迢秋光邁心惻每嗟如嚴霜既已申枝葉瘁無餘勲
名安所念思陟崑崙墟才性媿列仙驚惜循庭除仰邈
凌風鶴飄忽不待予命我孤桐琴揚音聊可舒

其二

世事無定端中志滋糾紛縣歎西傾日守節亮自敦炯
佩南榮戒勞形遠先民人生各有意雙屈必願伸何如
附遐躅玄葉無冬春興懷忽彌曠流目西山雲

古詩七首

鷄鳴不遑寐躑躅眇晨光肅肅涼風動庭樹下微霜義
和迴其馭幽鳥東西翔俯仰無終極四顧何茫茫昭彼
玄黃化萬物各有常琴瑟有清音莫慰我中腸

其二

志士何所悲所悲在凜秋二曜無停馭草木零山邱吾
生豈久存萎約但懷愁諒直固膠漆斯人亦何尤舍意
訴浮雲極目寫我憂

其三

景公三言發熒惑次他辰終年行仁義何不覩陽春同
心各異志惻惻欲焉陳美成豈在勸微霜難及晨裂裳
遡浮颿回顧增悲辛泲忍超再舉松喬爲我鄰

其四

晨車望城郭莽莽將何適白日動昏翳交構紛相斥至
人達其兆無爲反玄宅泛泛波中禽在梁戢其翼焉得
同心人惟愛等金石

其五

大火日西馳鴻鴈東南翔生年能幾何焉得不悲傷我
辰亦安在誰與語中腸負芒激五內心顏互凋喪責躬
昧其原循理反其常仰觀浮雲征可以勸盈觴

其六

荆璆蘊奇璞白日埋精鬼得失互相乘天伐自可惜榮
業誰無念鑒此順與逆携手共旋歸歲暮多所戚

其七

交薄難諒心炯誠浚恒章以彼衆兆懷置此君子腸介
立多貞士富貴隙中光終始疇能預魯聖亦遑遑無交
恫在陳微服踰宋疆

渡江述懷四百字

我行值多阻故山日以邈毒風無時休淳暑構煩促昨
收清河棹乃喜謝紛濁驚沙忽如掃雲水曠淮澳前瞻
邵伯樹汎此千里綠兼之晴景延不復諸念蓄緬惟京
臺事回首若在目攬轡辭密親淒淚忽盈掬易水何蕭

條長埃蔽幽朔慷慨悲轅駒弃置愧童僕悔有滋好竽
笑有甚舉燭伯往寡拂驥下冥豈證璞康衢匪難踐跬
步實易局斯言獲我心且安遂耕築遊子傷載罹遠道
思骨肉誕女頭已豎汝父眼未矚雖欣兒郎慧頗懷丈
人覺末緒一垂縷誰云事已足簞瓢不屑意側聞古人
躅憂貧不憂憊仁義可佩服竊觀營營內有生皆有欲
巨細自相適休戚各倚伏我無一願好動即四隅觸無
用百賤生天意甘戮辱未免行役勤凌晨指江麓大江

浩茫茫慚爾副腰腹烈心起中流急念馳南陸洪濤則
有餘我憂不可濯顧私反柴荆繫我進退谷入門百種
慮翻憶在途樂衆慕果內生勞愛非外屬客心譬抽縈
永夜類轉軸黃耆惟一朝不覩歲月速蒲柳罕後凋矧
畏秋霜渥文考夢必誣長卿病坐東沉冥感物理夷猶
羨仙族我無嵇康綠取誚於刻鵠遐景食霞輩思還鏡
中縛伐生能鳴禽保已不材木剖析靜躁端書紳固所
勗

喜見山放筆漫叙

平生悅邱壑巖居未能遂徒抱樂山癖浮名實爲累昨
者北趨朝舉目江河異大江一以眺清我客中思胡爲
逐塵鞅迹乃與心悸毒風不厭苦日夕驚沙會久客非
我鄉即次忘所恚雖鬱戎馬悲誰能覺昏瞶竒蹤不可
即浮巒焉得視秀狀睽朝躋靈名曠晚蒞神搖青雲端
飄忽靡知屆故墟有還期惜與朱明值行行千里餘勞
此日月異何意憑幽阻藹然衆峰對連岡雄奔形特嶠

孤圓態蒙穀胡縣亘往歷復瞻岱恍惚若參差招邀果
縈帶迢迢踰林青隱隱披襟翠邈駕超八埏烟霞渺無
際尚子終五嶽翱翔脫羅罽猿有蕙惟嘯鶴有蘭皋暖
穎叟不足標吾亦從此逝

古詩一首

并序

孝寡閭無與違遠道端懷售再踣抱病沉縣歷時不
瘳拘迫未能自逞又頗有傷春之思用懷古之人往
往寓志於輕舉之流嗟乎其有以也能不憤憶發於

鮮辭余兄華陽先生既諒幽衷軼擅風雅報章及我
且以逍遙云耳

日暮愁思積離獨感春芳妍條豈久爍雲杵罕成章赫
曦逼炎序煩萎坐自將沉痾恬清曠展睇西山陽微微
乘煙霧曖曖迷川梁凝焦自違道憂來固無方躬鑢膺
今服鳴虛迹久荒仙靈杳何許石髓含精光濛汜誰其
迫蚪鶴九霄翔榮芝可採掇松柏鬱蒼蒼稅駕無窮次
脫屣白雲鄉

贈傅育卿二首

返耕願始豫淹疾臥空林感徂撫傾運零落凋華心
霜日夕厲巖岡寡餘陰臨鏡豈昔鬢攬服非故襟幸君
雲中羽翩然戾荒岑寶餌世未識玉液使我斟虛轅念
當別含情一何深相思惠泉曲淒惻不成吟

其二

五液韜素篇三花秘瓊錄靈山重願寶殊庭輕解玉矧
伊沉痾憂眷茲遠遊躅邈矣食霞人懷哉處浚谷泉卉

悟芳時寒蛩鳴斷續幽襟暮儔匹玄旨開煩促義密傷
別樽永夜然華燭巖墟亦以豪顧爾憐黃鵠

懷葉君玉

我本巖中士得君林外游當時心好客燕賞懷清秋投
轄不辭醉狂歌明月樓山花笑空尊落莫前溪舟東風
憶往事并與西江流兀然桑樞下季子慚貂裘馳光坐
長歎倏忽春難留柳花已吹鬢草綠吳宮愁幽姿一水
隔悵望雲悠悠何日重攜手門前嘶紫驄

酌與宜俯

寒陰易踰時所悅在今旦稍觀夏雲壯林廬相與粲况
接携手好陶酌忘景晏顧爾摧折羽惜我凌風翰故交
日零落能無發悲惋天台有別官當期子長翫

擬古羈憤詩二首

年往誠鮮豫悲來抑不振寤嗟季役遙坐歎仲產貧霜
氣千里結寒飈起長津月牖照空帷形影徒相親疇昔
多藻志今心但卑淪平生希令圖中路困縑磷惻膺自

擯落愠慨將誰陳

其二

羈旅浩無極慘別盈思端華滋悵將落朱榮惜復殘驚
歎年景適凜慄邊朔寒地遠風氣急雲高鴻影單遙昔
理穠裘安事念羅紃頓足在沈泥曷由奮羽翰寫此興
舒憤彌使摧肺肝

春日軒中讀丹經

谷口近烟霞簾中遠聲利窺牖豈知天秉杼非避地朝

憲理素書焚香會深意惚恍觀旬始扶踈謝文字五圖
不足珍八公未爲異哀我匪民人焉得雲仙事終愧嵇
生緣徒欽至人遺臨此春駘蕩彌傷夕顚頽羽化難可
期藩山表予志

月夜家集賦對酒

涼飈拂華檻鮮雲淨夜扉酒挹天河瀉歌動梁塵飛長
公宦本拙顏郎名適微娛此金波穆無羨魯陽揮

陸山人自洞庭惠橘

霜珍遺何處乃自毛公壇遠貴瑤池寶香傳碧樹寒悠
然白雲意宛在黃金盤三咽比瓊藥從君躡綵鸞

贈別詩二首

夙子秉幽尚希方慕往哲蹇步遵修軌含情勞明發違
志坐自貽終焉愧微劣臨此良時晚傷彼芳蕙歎汨徂
屈江垓聿來遊華闥君子惠篤顧願言心如結掾玉哀
棄捐與君垂識察

其二

孤鳳戢雲輝來翔北山岑且焉集幽鳥豈必晞陽林伊
賢實彬蔚高矩屬世欽儒行貞文履玄言鑒崇襟曷爲
析云燕一朝去江潯垌渚多返顧風波密旋音彼美信
可懷夙夜勞我心

雜詩二首

羈恨乘感作妍景隨節移今茲一何駛南陸延朱曦樹
木交繁陰巒岑被炎霏柔風幕燕舉空山林鳥歸眷茲
休沐暇開堂俯曲池覽物增殷憂憂來多所思賈生信

忌鵬蒙莊實憚犧惜無玄鶴翼瞻霄悵騫翬

其二

策驪陟峻坂途出汾晉間切雲杳合沓攀日屢迴旋不
驚輪軸折豈識道路艱華齡鄙捐節飛轡遊長安希駕
平津邱比迹貢公冠命力久未竟歲月坐貽愆進伏悔
淪躋容齒惜顏殘淒霜委巖薄俄景愛邱樊翳翳蕙草
晚肅肅梧葉殫反襲樵采徑復追魚鳥歡悞謝鑒坯吏
沒世服其賢

寄唐子一首效江文通擬王徵君養疾

遐渚警寒波山空蕙草歇石竇吐陰霞商聲流岑樾佳
人杳莫從金樽曠華月悲蟬擁條吟霜氣憑巖結瑤蓋
挺玄谿玉肪隱靈穴渺邈銀臺陬煙駕安可越屬詩遣
沈痼援毫慰惆悵

初秋月夜作

玉露零始微金壺淪未息踈星耿清漢徘徊芳樹側迥
榭聆淒籟長天望歸翼蓬鬢古人心桂輪新夜色

病中作

徙倚對寒山，懷病悽序變。
燕逝無留影，林殘有餘蔭。
安仁感方颯，長卿遊故倦。
不果雲壑期，徒使塵憂薦。

雜興二首

踈雲散清澍，秋氣滋寥廓。
傾暉奄西陸，涼颿淒叢薄。
羈人苦物役，容華隨年鑠。
沈吟覽時化，空堂寂無樂。
惟我同心友，守道厭蓬藿。
高舉遺萬物，逍遙處一壑。
永念從之遊，無爲自束縛。

其二

驚節流炎紀馳暉屆清商游魚湊重淵蟋蟀鳴空堂白露滋前墀陰風來北房思心亦何思所思天一方離居宛如昨再覩鴻鴈翔含情撫遙夜中旦獨徬徨哀彼采葛詩零淚沾衣裳

閒居詩四首

園日含芳麗遊咏悅蘭時連藻泛光霞羨柳扇輕颺辰來豈違美情至每遺思嘉招匪吾節閒居果幽期瞻箕

有末址臨濮無荒坻綠綺昭青春揚徽意偶滋徒作山
水調隆念懷良知

其二

晨霞自蒸斂晴暉蕩朱牖涼颼暢蘭楫江山迥孤閣絲
陰抱多違來期念懽作游咏幽棲日踈麻遲情酌朝野
無偕姿遣涉有深樂遠慕管生榻近唾王子屨安事忘
形契彈琴慰寂寞

其三

淒緊卽悲序日月始向除裁基敞新構飲腹願無餘芳
苔綠雨歇猗竹白雲虛面山時隱几臨窻復枕書佳期
邈以永幽念若爲祛橐籥資達生釀言聊晏如鳳嬉有
遐託禽人非陋居

其四

閒房留餘映物慮縈我襟想嶽婚未畢踐墀歲已侵獨
有同懷子蘭訊感人深落葉被行徑遙識履綦音酌彼
金壘酒薦子玉堂琴曾氛翳迴沼皓月發華岑亮存明

發志各懋苦寒心

思親二首

日暮寡諧訊起步以徬徨我行感載離故山邈且長昔
邁衝堅冰今處怨申霜親念盈懷抱縣縣不能忘委身
仕王朝踰時焉敢傷天寒歲月速父母不遑將鴻鴈翩
南征烈風振層岡情悟終何待聊用陶吾觴

其二

晨車越峻坂矯首望親幃清秋八九月霜風遍朔垂凝

陽不自至吹律方來歸迴炭激留楚平原下寒暄營魄
日夜流形影曠難追大河逝洋洋徘徊心不夷側奉周
任言末位欣顧私良用謝戚東我辰方在茲

生朝妹夫王君故人陸子會酌

燕山雨不歇氣候異吳天淒宵那可寐苦慮如焚煎散
絲復平旦城闕生秋烟此時遊宦子思親徒自憐我家
來鳳亭梧竹還依然清風一庭滿蘿月東窻懸朝來感
初度零落踰潘年羞將華鏡覽殊叨治服妍浮雲亦何

有逝水悲長川，勲名恐寂寞。歲月驚徂遷，王君董仙輩。
却謝誰稱賢？故人有陸賈。捧杯就初筵，殷勤未云已。吾
知爾情宣，酒酣賦登樓。懷土腸俱牽，西飛隨陽鴈。安能
與之翩，閱世多所覺。時歸意彌遙，諒詣滄洲。諾携採紫
芝，旋

送朱駕部守江之瑞州

年往節物改，秋高涼氣滋。寒蛩收遺響，幽菊曜初蕤。晨
雨灑空林，清風來薄帷。崇岡啓餘映，丹霞冒巖隈。眷我

一卮酒中心悵有違良朋念符守攬轡臨郊歧哀音激
梁埃白日正西馳不惜今別苦但恨始願睽君亮篤明
義慷慨從此辭

秋夜

時景迫窮秋物感悟消歇空除下寒陰吟蛩靜不發簷
颺迴朱釭衾帷耿殘月弱心念閨房起觀征鴈沒循楹
惻音華關河緬秦越頽曜薄巖趾寤寐西山巖睽乖往
慮積紛吾抱多闕卜身昧所期歎息凌華髮

歲晚言懷

金門游寓客三驚歲序終
衰顏唯覺換善宦始知通
易水寒流迅寧臺明月空
積雪搖晴巘苦露翳殘叢
羞稱河曲智恥見漢陰功
獨有看雲目天涯送斷鴻

皇甫少玄外集卷三

欽定四庫全書

皇甫少玄外集卷四

明 皇甫孝 撰

七言古詩

洪都行送葉山南侍御

洪都日出照湖水湖上飛塵暗荆杞千村萬落空寒烟
洪濤雨泣珊瑚鞭梁王宮殿走狐兔泠泠脩竹黃雲暮
平原朔風吹古城夜江野火明殘戍憶昔軍威若雷電

萬舸磯頭正酣戰回首猶聞赤羽旗左肘尚帶黃金箭
霓旌淮海春悠悠九江雪浪吹龍舟七國昇平管蔡服
豫章野老多歌謳當日清風滿吳地坐使吳民變憔悴
燕雀那知霄漢羣豺狼且惋都亭使人生有才莫歎息
人生有情豈終極匣中寶劍寒無光高山流水長相憶
楚山涕淚不可收古往今來共淒惻我歌洪都歌正長
落日慘澹江茫茫潮聲鴈影春風盡揮手江洲空斷腸
霸橋歌送大梁郭僉憲

咸陽城東霸橋水芳草乍拂春風起秦宮霸水行人淚
遙見驪山夕陽紫臺中使君跨孤鞍裊裊逸旆星霜乾
我筵短亭掃楓葉仰頭白日明長安國賓之子陳留彥
少年謁帝承明殿古調文華辱流輩錦袍玉質時人羨
王門齊舉萬年觴綵衣自識仙郎面陽春白雪梁園客
上元燈火岐陽宴高堂二月別酒新得意如君誰與倫
平沙走馬凌雲氣花枝遙遙車入秦倘因橋上垂楊發
幸憶當年送別人

鳳池歌送王子儀

春風新入鳳池裏萬戶垂楊暗羅綺建章宮殿五雲明
早花帶雪聞流鶯北山朝氣散闔闔馬蹄蹀躞鐘滿城
夔龍盡有匡時畧彈冠結綬多豪英吳河折柳過江驛
寂寞萊衣動行色黃閣清風憶元老羽林夜月迎仙客
丁公世美莫與倫西望長安別興新鳳毛瀟灑真堪羨
坐使功名勝古人

城西歌

吳王城西萬家市江霧黃開日照水烟樹微茫歌管中
樓閣參差畫船裏穠花艷藥發江梅雨色千溪春正來
年年麋鹿遊荒草至今空憶錦帆迴

出門行

出門即有礙舉目橫荆榛拘囚不足悔知己終自伸所
以越石歎齊卿羞上賓海鳥安瀛雲邊馬戀胡塵圓方
惑改錯浮沉終異身男兒未可失顏色分珪綵組生蓬
辰會當肆志拂衣去寄語曾原非世人

聞簫

山雨沉沉暮烟白茅屋春深滯行客洞簫何處聲更清
入戶穿花暗簫瑟鶯囀疎林楊柳新落日聞之淚滿巾
田家未必知音律也解悠悠愁殺人

烈風行

江上烈風夜半號天陰月黑鳴鵓鴉長林颼颼捲厚地
古原百里黃雲高憶昨驅車走京闕大梁長淮近飄忽
七月廿五事誠恠旅館晝坐腸欲裂熊咆虎嘯從西來

山空鬼吟天柱折城中飄瓦連萬家兒啼女哭不可說
祠官奔走鍾山陰策馬郊壇氣忪悒蚪蟠翠黛臥平地
白日慘澹埋冰雪守臣草奏馳彤庭此事微茫盡驚骨
故鄉迢迢東海頭城樓隨地風雲愁湖旁水溢二丈餘
雕甍畫檻隨浮鷗沉檣折柁不可數官梁屍積高山邱
嗟哉吳民爾何苦粒米不入仍誅求天工回幹不可測
酒酣肺熱悲清秋我歸滄江顏色醜倚欄聞之一回首
青燈無光水鷗叫黃蒿吹波夜鷺吼壯志空慙萬間厦

野哭蕭蕭徹虛牖布衣麻鞋且飽飯安得營營問升斗
請君萬事莫開口萬事於吾亦何有

歲除吟三首

歲除吟者少玄子有傷心之事而作也

嗟哉今夕復何夕我竟熒熒百憂集我今行年二十六
生不得安死無及燈青酒寒誰與語野中樹木風吹急
歲云除兮可奈何惜我年鬢空蹉跎

其二

男兒有生歎白髮嗟憂如泉何時竭我弟携觴慰幽獨
觴盡心絕歌不發空山無人豺虎多舉眼但見新歲月
歲云除兮憂思深河宿慘慘空愁陰

其三

昔年八九氣粲爛有客許我凌霄翰我憂在心不可掇
譬彼長夜何由旦歸徒四壁出負薪我恨如纓苦羈絆
歲云除兮觴欲裂倚闌望天淚成血

憶子循

去年七月掛帆席與兄共爲滄海客陳郎作畫妙入神
拂拭素練生秋色黃鸝白魚不值錢玉瓶沽酒無所惜
長蒿平沙夜無睡曲殘星高海月白萬里那能戀鄉土
十日不歸長詩格獻書金盡裘復弊閉門却掃思疇昔
我弟孤征誰與歡淚向北斗交沅瀾苦風惡浪不可渡
歲暮憂集摧心肝古來世事多反覆及此翻愁行路難
燈前飢鴈翅垂羽夜半獨立天風寒

橘泉贈醫

蘇耽昔羽化靈異今淒然城郭自如昨鸞鶴無歸年瓊
枝歲寒色獨照長春泉君繼高蹤結遐想白日滄江懷
二仙枕底丹霞留秘訣洞花不落明潺湲挹君清風不
可及桂陽山水餘蒼烟金衣未必無消息會使吹笙向
碧天

至前一日醉後歌

江樹樓前啼夜烏吳王城中清夜徂星高酒深浩歌發
况復霜臺明月孤明朝至日悲風裏轉頭歲序催流水

空山沉沉孤兒叫紫芝冥冥嘆黃綺眼前失意那足悲
男兒貧賤還揚眉蕭生豈是抱關者馬客逢君會有時
儒冠嵯峨倚霄漢安得戚束隨羣兒河堤旭日春陽動
谷口桃花應自知

廬山行贈子允

廬山秀出南斗傍錦屏繡谷遙相望五老峯連紫霄裏
飛流瀑布搖天光披雲摘星結遐想安得鶴駕隨蒼茫
洞前桃杏幾千載東風遙遙不相待匡君已逝留此山

蘿月冥冥至今在香鑪赤日春草生瓊藥蕭條爲君采
青天不動九江明我欲因之朝玉京石梁對指金銀闕
山空無人猿夜驚他時肯策千韶杖與爾長吹子晉笙
送以言

垂楊金枝花錦新淺江碧流光映人玉壺沽酒復幾日
何得常駐江頭春旗亭送君賦采葛烟霏漠漠傷予神
仗劍辭家二三載看君意氣莫與倫監門非是落鬼者
張負應羞負郭貧手中內經註已就丹霞久秘青華真

千金一字豈虛語魚目由來能混珍我臥空山亦何有
草玄寂寞隨風塵非君孰爲我桓子室中怛吒將誰陳
讀書萬卷人不識苦節自可揚秋旻不見河清百年壽
唯笑螭龍七尺身江臺望爾移舟至眼前飛絮沾衣巾
會須散髮滄洲去安得束縛終儒紳

送陸子歸西山

日落湖天浪頭白扁舟一夜姑蘇客鮫人潛泣星夜寒
風雲颯沓龍泥蟠七十二峰離思滿沙邊送君腸欲斷

嗟君落魄無產業家無擔石猶任使黃金盡散平原兒
紫駟已換秦淮妾甕頭不買世上名羣小何事爭喋喋
西風忽憶范蠡丹綠鬢空彈孟嘗缺門前花落又經春
歸去高堂獨老親萊衣寂寞怨衰草白雲長望淚沾巾
君歸爲拂仙壇石子亦西看發興新與君便欲過湖去
古往今來空世人

贈李瑞卿

秋風動遠海寒氣生衣巾撫鏡笑緇鬢功業嗟沉淪投

筆有遐想况逢聖德新蒿萊坐展轉琴匣虛清塵李君
身居白茆側幾年嘯臥青山春揚帆落日顧三徑開口
一笑知余真袖吐河渠書倦言金陵別司空有英寄撫
掌生激烈慷慨濟時心還應恥時哲茫茫禹迹懸秋星
誚古談今與君說具區之流幾千里東望滄溟遠天滅
橫沙颯沓吹長蘆十郡蒼生豈魚鱉謝安當亦拂衣起
哀歌淚下流車轍揚眉大醉洪濤間刀頭猶有蛟龍血
傾心倒意各揮手秋空不動愁雲結明月正照五湖高

清流萬道山陰雪人生有才總如此男兒顧身豈豪傑
紫頭且看蔡澤傳鏡中莫哂張儀舌江津斷柳不可攀
楓林繫馬傷離顏晉陵日墮鴈聲遠丹陽道傍秋草斑
月光夜夜明鳩鵲滿城金碧浮鍾山酣來擊筑歌聲發
爲子長歌不復還

寄許侍御

驄馬冬江客詩來動我思空山一夜鴈縹渺愁天涯曉
登高樓望但見清霜枝何如剡溪雪對此令人思長風

吹人暗江樹此日臨江歎遊寓北山尚阻登高期東海
空傳送秋句幾月不聽上林鶯驛邊梅柳朝天行我心
還憶金山寺腸斷沙頭潮落聲

高徐二君見過

昔與高徐輩走馬秦淮秋昂藏獻書竟不售向來意氣
真可羞東山臥病梅柳發鏡中流年坐超忽幽憂更度
碧海春相思幾掛青天月人生得失那足論看君一日
終飛翻開襟呼酒但醉飲不見春風還故園

寄懋函顧子

與君相憶秦淮肆秦姬下馬壚頭醉秋風下第各淚流
故山搖落怕逢秋京陌揚塵暗行殿相看不不得西飛鴈
晉陵西望空長歌丹陽道旁衰草多因君一問御橋水
橋上垂楊今若何

招顧武祥

燕臺四月花隨馬故人南歸樹粉檟貂裘破盡眉不伸
素衣尚帶京華塵人生得志果何意安事折腰取高位

東山如錦添酒香
明日期君同一觴
與君日夕還醉倒
莫以蒼生空斷腸

玉池歌

玄鶴來崑崙授我三池訣
六翮凌紫霞安得生華髮
上肥有妙理靈籙爲誰發
石髓含精光徒然笑王烈
雙桐峨峨朝出雲錦煙玉露鸞
爲羣相逢不識人間世
何須獨揖長桑君

南旺曲

楊柳萬條溪百盤風景那似客中看
溪日半落烟霧動天際疎星延夜寒
漂母祠前可暮宿掛席直至長江干
人生有時懷抱好何得長愁行路難

長白山人

長白山人白髮新黃金散盡不愁貧
銀鞍蹀躞杏花落笑入東山空暮春
月起吳趨鐘未靜馬鞭遙憶酒樓賓
專諸市裏衆不識坐待吹簫楚國人

寄林熙載

憶昨都門共分手澤國天遙望來久青驪載驟且留連
欲別還傾百壺酒御溝花絮復春歸茂宰題書悵有違
何況羈棲戀鄉域離心空逐片帆飛

朝天宮行

我心若孤雲巖壑常澹然南風吹入紫宮裏五色照曜
垂青天叨陪赤墀客謬列畫省賢相隨騎馬長安陌誰
是金門大隱仙閒招我友散我愁今日且作玄宮遊揚
鞭笑指西日落祇恐未足充淹留叢霄上接帝苑傍馬

蹄散落苔錦香林迴徑轉烟蒼茫糾枝開硤棲丹房羽
衣繽紛奏笙簧便欲從之乘雲翔紫霞片片浮子觴天
風捲雪雪欲盡仰見瑤臺明月光戶前千年松鹿尾橫
黛色聚脂龍形光可拭采之遺堯堯不食亦松容成安
在哉安得二子雲中迴停杯攜手還徘徊古今寂寞眼
前事何獨太息黃金臺長謠託浮雲采藥西巖隈不然
飄蕩靡歸處但使猿鶴夜夜空山哀

靖海篇贈夏中丞

龍雲凝戰氣，蜃霧雜烽烟。驛騎持囊羽，書急元戎飛。旆
啓行先茂苑芳，菲雄甲郡渤海風。猷緬昔賢波，迴塵靡
邈嗣軌時。清政美痛更，絃軌移徵敗。首絃非誰執，咎城
靡使啓。今晝閉宗都，晏流化逋數。軫聖惻遐方，戡時眷
簡良。中丞文武萬邦憲，浮天溟漲一葦杭。繽紛旂旄
奪雲色，皓旰戈爰蔽。日光博昌奔，命至樓船捷。武揚斲
冰積，雪下太白仲冬四日隕。攬搶黃頭齊，奏從軍樂華
顛。再見海沂康，庠渠罷曜吳閭市。金甌長奠海陵倉，師

律振瀛瀕千城偉帝宸對珪詎羨封侯賞旋凱爭榮勩
鼎新乃知廟勝緣有紀古來善御不易民作歌愧頌藻
因書諷守臣

皇甫少玄外集卷四

欽定四庫全書

皇甫少玄外集卷五

明 皇甫孝 撰

五言排律

再憶子約

飄泊非吾恨，羈危念汝經。
幾時逃魏國，何處哭秦庭。
年往無由復，愁來不肯醒。
舟前高浪白，湖上遠天青。
旅夢違三徑，書聲憶兩亭。
急難誰與赴，愁絕在原鴒。

送五湖子讀書虎丘僧舍

與子論交日回看已十年頻追竹林宴寧惜剡溪船海
邑觀濤興茅峯弔古篇分襟那免泣離夢不堪傳海湧
林非密雲亭徑自偏詩多秦系逸僧寡道林賢靜識鳴
鐘飯吟添抱月眠秋清有美酒期醉女牛邊

寄純叔吳君十二韻

惜矣故人去清風虛竹林每懷驚座語空抱濟川心獻
策君先達違時我陸沉帝鄉思舊賞秋興罷長吟雙闕

留天地三山自古今才華誇逐駿奇氣羨橫參積雨歸
期阻浮雲晏歲侵飛騰瞻逸駕潦倒對分襟霜月凝淮
細風塵繞塞陰相思那可說春況不堪臨鳳翥攀羣望
鵬搏慰好音劇愁親酒盞孤酌復愁深

奉擬郊裡喜雪中應制十二韻

海上迎鑾雪飄颻下九天明裡元匪豫昭假故宜玄萬
國同雲布千門喜氣連齋壇高易徹仙仗肅逾翩離合
珍俱表圓方瑞盡傳玉花寒不折瑤草夜爭妍戀綬霑

難已承車集更偏物和清蹕外春色翠華邊片片冲襟
切輝輝睿藻鮮慶行遙發歲禮洽近初筵舞出麟龍後
懽生草木先南山合周雅北極正堯年

五日對酒同子循作

舊宰棄鳧來明光並馬回朝紫仙珮合家慶節筵開闕
下花交戟城隅柳映臺絢霞迎霽日殘雨淨炎埃瑞彩
輝頌縷恩波湧勸杯二毛逢賞慰十載念離哀溫籍知
予玷登曹愛爾才邠生江海思從此重相催

夏至齋居和子循十二韻

裡典重郊邱靈祇扈冕旒天行紆鳳蹕星引度龍樓直
省瞻華蓋齋心駐綵旂鉦金先路啓燎火匝空浮帝祀
嚴登祖皇明表燭幽隆章遙邁漢邈禮再歸周瑞氣含
城動神光擁澤流玄音八變合璇檢萬年休搖筆情何
切披襟興轉悠共懷芝殿賞俱仰桂宮遊月露宵方徹
雲霏曙漸收自憐違盛觀竦踊若爲酬

論歸述懷八韻

衰薄塵三署蕭疎眷一邱思深歸未得時晚歲仍適磻
壑同懷阻風烟獨客愁金門非昔隱玉軫定誰酬雲樹
看難盡星河耿不流故園偏入夢華省最驚秋興就張
衡賦情懸向子遊胡能有萱草言樹北堂幽

送友人之任

嶺表佇文英仙郎簡命行名初題柱顯學已賦都成漢
殿親辭陞灘江晚問程鄉心遙指鴈祖席正聞鶯桂樹
賓賢意蘭芬戀友情政誇周典禮俗化魯諸生鳳節凌

雲迴龍函煥日明西南瞻斗極斟酌在持衡

五日感舊有懷唐陳王諸子

五日酺筵敞千官式燕榮象賓調律氣謁帝仰文明蕙
馥分凋席花枝間綵旌豫遊繁節賞寵錫睠皇情惟昔
慙凋朽逢時厠俊英銜恩陪上列揚藻邁同聲人事何
期外虞羅每易嬰入宮翻見妬投杼暗相驚都邑張
衡去長沙賈誼行吳洲春草變湘渚夏雲生索處詩空
賦憂來酒漫傾感心思遂往無復戀微名

和春江花月夜

麗賞逢春夜江流散綺羅月華浮處劇花彩照時多泛
學依輪滿飄香雜吹和叢深迷錦帶雲艷度瓊歌上客
流杯至佳人拾翠過洛川如可賦會自有凌波

五言律詩

海國

海國雄三輔風烟暗百城乾坤時易改道路客頻驚山
積青春麗江流返照明窮愁渾不極危坐一含情

樓坐

燈火中宵接春陽故國迴吾生同泛梗身世且銜杯海
內年重換天涯書未來樓前有思婦聞汝夜悲哀

虎邱

雲光涵一鏡霽景入幽林閣滿蒼崖勢溪清紺殿陰劍
寒浮玉氣石聚振空音惟有淒然月能知懷古心

可與移居

仲蔚門應遠黔婁業已貧浮沉憐避地卜築想爲隣潦

倒渾須並喧卑莫浪嗔幾回黃菊徑遙見白衣人

送張長史之興府

江郭瞻行蓋離亭曉日和宮墀三載隔舟楫九江過草
色蘄陽遠湖光夏口多慶雲垂邸第朝夕醉絃歌

過無錫欲登惠山汲泉水不果

花絮紛紛亂江山漠漠長雨懸湖氣白晚潤野煙蒼宿
鳥喧汀樹疎雲冷郭牆何時穿竹徑汲取玉泉香

雨飲

金陵二十載佳麗幾來遊坐對三山暮愁催八月秋早
寒生夜色殘雨入江流感歎平生恨揮樽自不休

金陵送可與得烟字

欲別轉淒然清燈對不眠城寒孤照月山淨夜無烟霽
景鄉心外踈花驛騎邊悠悠溧陽樹獨自下長川

迎春日作

擁樹僊旗淑承花節鼓芳妓留金谷暖人語畫樓香歌
逐新鶯短遊尋舊草長頌文春可樂濡翰滿韶光

感春

乍感寅迴斗俄憐日載陽莊篇行發氣庾詠宛歸香雪
意煩辭髮江流倩浣腸未傾千里目那使寸心傷

次韻答家兄病後懶出見嘲

天上懷三峽花間憶五陵病還消渴似文豈解嘲能碧
海心常往青山夢亦登嵇康終漫世蕭瑟興難乘

天平山

巖迴林亦合雲徑亂輿通花塢紅含雨山門翠入空道

心齋磬外春色酒杯中徙倚論耆舊泠然懷范公

令威井

仙子乘雲去空山留碧泉苔昏猶辨色松古不知年落
鰲凝寒月含丹鎖暮烟還聞桑變海徒詠鶴沖天

月夜

九秋佳麗盡千里淨無雲皓氣迎輪滿丹花落酒芬寒
侵瓊島外清戀碧江濱悵望南飛鴈飄飄復幾羣

秋望

海樹悲風動江臺雲霧間嚴霜下陽峽獵火度陰山旅
鴈牽秋望殘虹落暮顏漢皇親閱戰灞上六飛還

春雨

滄江今日雨散作滿城春霧下雕窻亂風吹錦砌頻枝
間流彩艷陌上點芳塵不見長安道空催柳色新

賦得太湖送別

匯澤涵蓬島仙源隱石壇日光浮浪細峯影入波寒雲
向鏡中落舟從天際看還聞賦臨水別思繞征鴻

長至前一日將與子約別北行

萬里投三策千金愛一軀連枝慚我並隻影念渠孤梅
柳情難已江山迹易殊啼行共長至愁絕問征途

思歸

南紀雲濤外歸心日夜懸褐裘淹卧病蓬鬢苦催年愁
暗城花霧春銷御柳烟何時故林鵲送喜北堂前

舟中晚興二首

遙天晴望久芳日下高岑舟楫看江賦鄉園動越吟火

雲春不駐滄海暮何深還喜林間鵲凌風會客心

其二

不盡燕南恨天涯暫酒卮鳥窺山詠處花發客愁時
未遂梁鴻隱難忘張翰思秋光忽在眼忍滯碧湖期

望遠

捲簾晴望好徐棹盡芳菲碧草猶春色滄江正暮暉
收雲時漠漠沒鳥自微微便欲巾車往悠然更不歸

南歸對陸子白溪


幾愴離羣念俱傷失路神風塵重會面花月不逢春未
厭飄零客相看酩酊人懷仙意繚邈從此見吾真

子新會晤感述

小園蒿沒處幾日罷長征尚及看羈貌相將感別情燕
花留暮影蟬葉引初聲得失俱休問期君達此生

舟中憶弟

念爾風塵日淒其行役頻寂寥江上思迢遞客中身鄉
國楓殘雨皇都柳近春倚舟愁緒結吟罷欲沾巾



皇甫少玄外集卷五